



金剛針論
菩提心離相論
大乘破有論

宋三藏傳教大師法天奉 詔譯

宋西天三藏朝奉大夫試光祿卿傳法大師施護奉 詔譯

金剛針論、菩提心離相論、大乘破有論



清刻龍藏佛說法變相圖

三論合卷

金剛針論

菩提心離相論

大乘破有論

星二

金剛針論

星二

法稱菩薩造

宋三藏傳教大師法天奉詔譯

如婆羅門言眾典之內四圍陀正又於此中
念為其正又此念中能所詮正又於此中能
詮為正唯此最上無法過此世若能此業云
何作由此能詮若愛若恚從此而生如一切
姓婆羅門上今此言詮亦復如是此理不然
所以者何彼婆羅門何姓何命復云何知行
業云何如何得此婆羅門名又此圍陀云何

稱正帝釋元因云何傍生傍生云何生於月
 天日天元因復生傍生風天火天水天元因
 展轉往來云何如是又彼妄執天中死已復
 生天中人中死已復生人中傍生亦然四圍
 陀內作此說者皆非正理此命是何何因名
 命婆羅門等亦復如是又汝外道婆羅門言
 正典所說婆羅帝山產七禽獸那婆囉陀及
 別塵迦陵惹哩山彼山所有鸚鵡鷺鷥鵝鹿
 之類生在人中俱嚕乞曬二合此云福地從彼死已
 生在婆羅門中解四圍論此等禽獸鹿鵝鷺
 鴛出生人中彼獸之命是婆羅門非婆羅門
 所以者何彼命若是而非禽獸彼命若非彼
 生婆羅此言非理婆羅門執四圍陀論是萬
 法本亦號真如非於餘姓而許受食於首陀
 處數數受利正違自宗何名淨行由此亦非

真婆羅門又四圍陀婆羅門法妄執正命及
 於正法婆羅門種亦復非理云何正法種姓
 間雜何名最上所以者何非最間雜其事云
 何且如父名那浴乞又其子乃名兵誡羅仙
 又如父名阿誡悉帝其子亦名阿誡悉帝二合
 又如父名布沙野二合左其子乃名嬌尸迦又
 如其父名俱舍子其子名爲僧薩多二合誡又
 如父名迦癡那其子亦名迦癡那又如父名
 婆左盧臘麼二合其子乃名嬌怛麼又如父名
 迦羅舍引其子乃名訥嚕二合拏左哩野二合又
 如父名底逸底哩其子乃名底帝哩二合所
 迦又如父名捺囉二合轄子名仙覺又如母名
 野鹿採魚人生其子乃名嚕野二合僧子覺乞
 曬二合父首陀姓其子乃名尾濕二合彌怛覽
二合母是嚕陀羅子名嚕瑟姪二合母名烏哩縛

二尸天所生女非婆羅門如上所說何因固
執言婆羅門人間最上又如所說執成嚕_{合二}
底經正亦非理是故所有婆羅門法道理亦
非

又如所執婆羅門法新肉紫礦及鹽等物成
陀應受汝婆羅門勿宜受之今何不爾又如
彼計乳賣婆羅門行虛空墮落非婆羅門食
肉墮空非理亦爾是故應知買賣乳肉婆羅
門非成陀之法由此當知一切非食肉乳等
人及非買賣_{星二}皆總得名婆羅門耶是故應知
乳肉計賣非婆羅門妄執非法又世間姓妄
執最上亦非正法如刹帝利毗舍成達各執
最上應皆總名婆羅門姓又執苦身名婆羅
門諸有苦身一切總應名婆羅門又彼妄執
殺婆羅門而獲罪重害彼眷屬獲罪亦爾復

執彼從淨天口生刹帝利姓彼天身上毗舍
首陀身足而生若殺於彼故獲重罪彼執非
理所以者何應殺餘姓其罪非有害餘眷屬
非有亦然由是妄執不契正理又彼所執破
壞彼行破壞檀行及彼受施若智若身皆獲
重罪此不應然所以者何身智之中何者得
名號婆羅門應首陀等皆有身智悉應得名
婆羅門耶又彼妄執解四圍陀及彌輪娑弁
僧法論尾世史迦乃至諸論皆悉了達名婆
羅門此理亦非如首陀等亦解彼論曉了彼
義應皆得名婆羅門耶若修苦行名婆羅門
彼首陀等亦能行之應亦得名婆羅門耶解
諸術數名婆羅門彼採魚人及諸樂人了解
術數種種差別亦可得名婆羅門耶是故應
知行非婆羅門業非婆羅門檀行受者非婆

羅門彼刹帝利毗舍首陀亦能行之應皆得
名婆羅門耶是故應知非族非業非行非生
乃至於德名婆羅門彼因何立日如軍那華
亦似白月離一切染善修勝行威儀無缺戒
行具足善伏諸根除斷煩惱無我無人離諸
執著及貪瞋癡悉皆遠離如是乃名真婆羅
門又離愛染乃至畜生不生貪著修清淨行
名婆羅門是故得知此速骨嚕二大仙所說
此婆羅門非姓非業非德非行亦非工巧如
旃陀羅善四圍陀工巧藝能德行具足應可
得名婆羅門耶是故應知非命非姓非智非
身亦非業行名婆羅門又如首陀苦行修學
解四圍陀獲五通仙汝婆羅門云何奉事此
下種姓又彼仙道四姓皆得云何餘姓名非
最上又如帝釋往修善業得生彼天本下種

姓彼經正文作如是說此婆伽婆及於帝釋
彼下種姓如是徵詰一准於前又彼所說大
自在天及於天后口中生彼帝釋諸天及器
世間非從世間生大自在及生天后本能生
末非末生本是故此言違彼正說本下種姓
云何妄執從彼而生故知非理又如首陀命
終生彼大自在天汝婆羅門云何奉事彼下
種姓又如汝說婆羅門法服氣餌藥苦行絕
食名婆羅門彼首陀等亦能行之此應得名
婆羅門耶又彼所執於首陀處手中受食經
於一月現身變為首陀之身後報生中決定
作狗又婆羅門娶首陀女以為其妻父母家
神皆悉遠離死入地獄此執非理婆羅門姓
與彼首陀有何差別如迦癡那大仙從於鹿
胎而生苦行修學乃證仙道此仙豈可從婆

羅門而乃生耶如嘯野合二婆大仙從採魚女之所生故苦行修學而成仙道此仙豈是婆羅門姓是故妄執不契正理又如嘯斯瑟吒二大仙從於烏哩嘯合二尸天女所生苦行修學乃獲仙道此仙豈是婆羅門生又如鹿角大仙生於鹿胎修習苦行而成仙道此仙豈是婆羅門耶又如尾濕嘯合二彌怛嚕合二大仙從於耨陀羅家女之所生此仙豈是婆羅門耶是故應知調伏諸根不執我人勤修梵行遠離滌欲永息諸惑由此方名真婆羅門而非從彼族姓而生如何妄執婆羅門姓世間最上戒行清潔族姓無雜以此妄執非最為最是故當知彼婆羅門非姓非命非族非行非業非生名婆羅門又如多人本下種姓持戒修福而得生天何因族姓乃生天耶又如

汝宗迦癡曩大仙尾野合二婆大仙嘯尸瑟吒二大仙善覺大仙尾濕嘯合二大仙彌怛嚕合二大仙曩囉那大仙此等大仙皆從下姓種族而生苦行修因乃獲仙道何故妄執種姓非雜世間最上是故虛言應非信受又如彼執婆羅門姓梵王口生刹帝利姓梵天臂生毗舍種姓梵天髀生從於梵足乃生首陀是故虛妄多作是執又執苦行堅守其志名婆羅門應採魚人漆師皮作及首陀等堅志苦行應皆總名婆羅門耶又執彼形編其髻髮腰帶索繫手執木杖衣素儉食名婆羅門餘成陀等亦能行之應此總名婆羅門耶又執四姓皆從梵生如何父一子姓乃別應可首陀乃至餘族一父所生子姓應殊此既不爾彼云何然又婆羅門從一梵天口中而生姊妹

星二

六

兄弟自相交契世所呵厭汝能行之云何清淨是故妄執非淨稱淨如一父母而生四子非可別姓如何妄執此婆羅門此刹帝利此是毗舍此是首陀云何一父子姓各別是故四姓妄執差別非如象馬牛羊駝鹿師子虎狼形足各異此是牛跡乃至象跡可分差別又如一樹出生華果可無有異非餘華卉生處不同非可令同汝今四姓道理亦然若婆羅門若刹帝利乃至首陀皆從一父之所生故云何妄執四姓差別復有天王名喻地瑟致_合羅_合虔恭合掌來詣仙人吠娑波灑頭面禮足而白大仙云何得名婆羅門德復云何名婆羅門相差別之相復有幾種願今演說令我了解時彼仙人吠娑波灑乃告王言忍辱精進靜慮般若此乃名為婆羅門德遠離

貪瞋及諸殺害一切有情是名第一婆羅門相於他所有一切財物而非貪受是名第二婆羅門相遠離暴惡性行溫和_合不封我人捨離繫縛及諸欲染是名第三婆羅門相於人天女乃至傍生恒離染著是名第四婆羅門相及復成熟_{星二}一切有情恒起悲愍調伏諸根清淨最勝是名第五婆羅門相如是五種悉皆具足名婆羅門若封彼我非具五相皆名首陀仙人復告喻地瑟_合恥_合囉言非族非姓及修苦行成婆羅門彼旃陀等具足五相亦得名為真婆羅門由如是理彼婆羅門亦名首陀首陀亦名真婆羅門彼喻地瑟_合恥_合囉白仙人言彼婆羅門行不殺行獲果清淨此乃少分名婆羅門仙人復告喻地瑟_合恥_合囉言此四姓別皆由過去宿業因緣猶如世間

胎生有情一切皆從穢處根先有何差別是故戒行復修德業名婆羅門乃至首陀修於德行成婆羅門若婆羅門不修德業此亦得名下劣首陀又此五根能起惡業恒應調伏猶如大海沉溺有情應求濟度令超彼岸爾時喻地瑟恥_合囉王聞仙所說了解踊躍以此所聞迴施一切無邊有情悉令曉悟非爲自身及貪已命我今日夜修習忍辱遠離眷屬及於嫉妬一切欲境更不耽著趣求解脫恒修淨行仙人復告喻地瑟恥_合囉言不殺有情遠離貪瞋清淨無比如是名爲婆羅門行調伏諸根布施忍辱真實梵行悲念愍護一切有情修習智慧如是名爲婆羅門行離邪苦行應有情機所有衆苦如是名爲婆羅門行又婆羅門識野怛哩_合經呪中說苦行

離執調伏諸根四時行施愛念有情捨離睡眠恒修淨行經於千劫方得名爲真婆羅門仙人復告喻地瑟恥_合囉言若人解了四圍陀論名婆羅門稱姓最上餘首陀姓亦能了解何非最上譬如四姓同遊聖境所有蹤跡不可分別此人之蹤非彼人跡一姓四姓亦復如是由假施設本無差別又如世間牛馬等形相狀雖異男女二根同類不殊彼婆羅門與刹帝利毗舍首陀一姓四姓相望亦然又如一人血肉屎尿手足諸根與衆多人所有血肉同類亦然又如蓮華刹怛哩華月螺光色可分差別於餘四姓色相無異如何差別又如牛馬乃至象鹿行於染欲而非交契可分差別今婆羅門與刹帝利毗舍首陀互相交契而行染欲皆同胎生有何差別又如

婆羅門所生之女對餘婆羅門同姓姊妹云
何交契姊妹兄弟夫妻乃爾世間首陀非行
此法譬如世間優曇鉢樹華果枝葉雖復衆
多根身無異非能分別此彼之華汝婆羅門
亦復如是非可交會同姓姊妹世所呵厭非
可行之又如捨離身語不善恒修淨業名婆
羅門彼毗舍等亦能行之得彼大仙名嚩私
瑟姤合二又如世間之火能燒柴薪而無分別
今婆羅門對餘諸姓無異亦然又如彼宗彌
野合二娑大仙本是採魚父之所生亦非是彼
婆羅門生又如半拏嚩王兄弟五人同星二一母
生父乃名別此由宿業同母別父非由於姓
而妄執別又如世間鹽處於水形雖可隱鹽
味非無宿業隨身隱顯亦然如是妄執諸有
智人應當審悉非可依信

金剛針論